

Fakhrur, Shirley menang anugerah

► Olahragawan dan Olahragawati Universiti Malaysia Sabah 2012-2013

Oleh VITALIS BINGKASAN
vbingkasan@yahoo.com

KOTA KINABALU: Atlet taekwondo, Mohd Fakhrur Razi Hj Szali dan pemain tenis, Shirley Yong Shio Ling dinobatkan sebagai pemenang Anugerah Olahragawan dan Olahragawati Universiti Malaysia Sabah (UMS) 2012-2013.

Fakhrur mengetepikan cabaran tiga atlet lain dalam persaingan gelaran utama itu dengan pencapaiannya memenangi pingat gangsa acara poomsae berpasukan pada Sukan Universiti Asean (SUA) di samping pingat emas poomsae berpasukan dan campuran pada Sukan Institusi Pengajian Tinggi (SUKIPT).

Calon lain dalam kategori itu adalah Hillery Henry (kayak), Eldy Sham (olahraga) dan Raymond (taekwondo).

Shirley pula menafikan pencabar tunggalnya Emmy Ahkim dari sukan olahraga untuk gelaran utama wanita berdasarkan pencapaiannya memenangi pingat gangsa SUA dan pingat perak SUKIPT.

Kedua-dua pemenang gelaran utama itu masing-masing menerima sijil, jam tangan, wang tunai RM1,000, trofi dan blazer.

Anugerah Olahragawan Harapan pula dimenangi atlet olahraga (lonter peluru) Maxanzie Jetol manakala Olahragawati Harapan adalah atlet lawan pedang Laura Simon.

Maxanzie dan Laura masing-masing menerima

sijil, jam tangan, wang tunai RM500 dan trofi.

Sukan taekwondo terus mendominasi laman anugerah tersebut apabila pasukan poomsae diumumkan sebagai pemenang anugerah Pasukan Terbaik berdasarkan kejayaan merangkul pingat emas hatrik pada Sukan Majlis Sukan Universiti-Universiti Malaysia (Masum) Siri I, II dan III.

Jurulatih poomsae dari Korea, Lee Min Hee melengkapkan penguasaan taekwondo apabila turut diisytiharkan sebagai pemenang Anugerah Jurulatih Terbaik.

Pasukan Poomsae dan Min Hee masing-masing menerima sijil, jam tangan, wang tunai RM200 dan trofi.

Majlis Anugerah Sukan itu diadakan di Pasific Sutra Harbour Resort di sini dua hari lalu.

Timbalan Naib Canselor (Akademik dan Antarabangsa), Prof Dr. Shariff Abd Kadir Shariff Omang Al-Haj mewakili Naib Canselor, Prof. Datuk Dr. Mohd Harun Abdullah menyempurnakan majlis itu.

Pada majlis itu, UMS turut memberikan insentif kepada atlet-atlet yang cemerlang dan mengharumkan nama institusi itu serta kepada wartawan-wartawan sukan akhbar tempatan.



FAKHRUR (kanan) menerima hadiah Olahragawan yang disampaikan Shariff dan dibantu oleh Pengarah Pusat Sukan UMS, Mohd Asyraf Fong Abdullah.



OLAHRAGAWATI, Shirley (kanan) semasa menerima hadiah daripada Shariff.



OLAHRAGAWATI Harapan, Laura (kanan).



JURULATIH Terbaik, Min Hee (kanan).




OLAHRAGAWAN Harapan, Maxanzie (kanan).



PASUKAN poomsae taekwondo menerima hadiah Pasukan Terbaik.



PEMENANG-pemenang anugerah bergambar bersama Shariff dan tetamu-tetamu kehormat.



SHARIFF (dua dari kiri) melakukan gimik pelancaran menerusi komputer.

New Attraction
Step in our new butterfly garden experience with more than 100 species of butterfly fluttering around you

TUARAN CROCODILE

TEL: 088-793377 FAX: 088793623
OPEN DAILY 0830AM-0530PM